



**სახელმწიფო შესყიდვების შესახებ  
ხელშეკრულება N10.35/10/058**



ქ. თბილისი

22 აგვისტო 2014 წელი

ერთის მხრივ ქ. თბილისის კრწანისის რაიონის გამგეობა (შემდგომში – „შემსყიდველი“) (ს/ნ 204 521 776) წარმოდგენილი მისი გამგებლის გიორგი კოპალეიშვილის სახით,

მეორეს მხრივ შპს „ბორჯომი ვოთერსი“ (შემდგომში – „მიმწოდებელი“) (ს/ნ 226 146 872), წარმოდგენილი მისი გენერალური დირექტორის დავით ამაშუკელის სახით,

„სახელმწიფო შესყიდვების შესახებ“ საქართველოს კანონით გათვალისწინებული გამარტივებული შესყიდვის შესაბამისად, წინამდებარე ხელშეკრულების საფუძველზე თანხმდებიან შემდეგზე:

**1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;

1.2. „ხელშეკრულების ღირებულება“ - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „შემსყიდველი ორგანიზაცია“ (შემდგომ „შემსყიდველი“) - ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ - ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ - ნიშნავს კალენდარულ დღეს, კვირას, თვეს.

**2. ხელშეკრულების საგანი**

წინამდებარე ხელშეკრულების საგანს წარმოადგენს სასმელი წყლის აპარატის მომსახურების შესყიდვა (კლასიფიკატორის (CPV) კოდი N 65100000).

**3. ხელშეკრულების საერთო ღირებულება**

3.1. ხელშეკრულების საერთო ღირებულება შეადგენს 2000 (ორიათასი) ლარს, მათ შორის:

N	დასახელება	ერთეულის ღირებულება	რაოდენობა	ღირებულება სულ
1	წყლის ბალონი	10	150	1500
2	ერთჯერადი ჭიქების შეკვრა (100 ცალიანი)	200	2,5	500
<b>ჯამი სულ</b>				<b>2000</b>

**4. შესყიდვის ობიექტის მიწოდების ვადები და ადგილი და პირობები**

4.1. მომსახურების მიწოდების ვადა ხელშეკრულების გაფორმებიდან 2014 წლის 25 დეკემბრის ჩათვლით;

4.2. შესყიდვის ობიექტის მიწოდების ადგილია ქ. თბილისის კრწანისის რაიონი, გორგასლის ქ. N115;



4.3. შესყიდვის ობიექტის ჯამური ღირებულება მოიცავს ყველა ხარჯსა და საქართველოს კანონმდებლობით დადგენილ ყველა გადასახადს;

4.4. შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

## 5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება განხორციელდება შესყიდვის ობიექტის მიწოდების განხორციელების შემდეგ შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

5.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.3. ინვენტარის (დისპენსერის/ბალონის) გადაცემა შემსყიდველითვის და უკან დაბრუნება მიმწოდებლისთვის აღრიცხვება ე.წ. „ტარის აღრიცხვის“ ფურცელში, რომელიც წარმოადგენს მხარეთ შირის გაფორმებულ ინვენტარის მიღება-ჩაბარების აღრიცხვის დოკუმენტს.

## 6. ანგარიშსწორება

6.1. ანგარიშსწორება მოხდება ლარებში;

6.2. გადახდის ფორმა – უნაღდო;

6.3. ანგარიშსწორება მოხდება მიღება-ჩაბარების აქტის გაფორმებიდან 10 (ათი) საბანკო დღეში;

6.4. საავანსო ანგარიშსწორება არ გამოიყენება.

## 7. მხარეთა უფლება მოვალეობანი

7.1. „შემსყიდველი“ ვალდებულია:

ა) გადაუხადოს „მიმწოდებელს“ შეთანხმებული ფასი;

ბ) მიიღოს გაწეული მომსახურება;

გ) მიიღოს და გამოიყენოს წინამდებარე ხელშეკრულების საფუძველზე მიწოდებული დისპენსერები და ბალონები მხოლოდ ხელშეკრულებით განსაზღვრული დანიშნულებით;

დ) ყოველთვიურად შეიძინოს 15 ცალი (19 ლიტრიანი) ბალონი „ბაკურიანი“ თითოეულ დისპენსერზე;

ე) წინამდებარე ხელშეკრულების შეწყვეტის შემთხვევაში დაუბრუნოს მიმწოდებელს დისპენსერები და ბალონები;

ვ) წყლის ყოველი ახალი ბალონის მიწოდებისას დააბრუნოს ცარიელი (19 ლიტრიანი) ბალონები (ტარა), წინააღმდეგ შემთხვევაში გადაიხადოს თითოეული ცარიელი ბალონის (ტარა) ღირებულების – 25 ლარის ოდენობით;

ზ) დისპენსერის დაკარგვის ან განზრახ დაზიანების შემთხვევაში „შემსყიდველი“ ვალდებულია გადაიხადოს სასმელი წყლის აპარატის ღირებულება (250 დოლარის ექვივალენტი ლარებში);

7.2. „შემსყიდველს“ უფლება აქვს:

თავიდან მოითხოვოს გაწეული მომსახურების გამეორება, თუ მისი ხარისხი არ შეესაბამება სტანდარტებს;

7.3. „მიმწოდებელი“ ვალდებულია:

ა) გაუწიოს „შემსყიდველს“ ხელშეკრულებით გათვალისწინებული მომსახურება დადგენილ ვადებში;

ბ) დაიცვას ხელშეკრულებით გათვალისწინებული ყველა პირობა;

გ) დროებით, უსასყიდლო სარგებლობაში გადასცეს „მომხმარებელს“ სათანადო ხარისხის 4 (ოთხი) დისპენსერები და 19 ლიტრიანი ბალონები, წინამდებარე ხელშეკრულები მიზნების შესაბამისად გამოყენებისთვის ვარგის მდგომარეობაში;

დ) უზრუნველყოს დისპენსერებისა და ბალონების ტრანსპორტირება;

ე) სარგებლობის პერიოდში მიწოდებული დისპენსერის ნაკლის აღმოჩენის შემთხვევაში, თუ ეს არ არის გამოწვეული განზრახვი ან გაუფრთხილებელი ქმედებით, კისრულობს ვალდებულებას საკუთარი ხარჯით გამოსაწიროს ნაკლი ან შეცვალოს ნაკლის მქონე დისპენსერი ახალი დისპენსერით.

7.4. „მიმწოდებელს“ უფლება აქვს:

მოსთხოვოს „შემსყიდველს“ ხელშეკრულებით შეთანხმებული ფასი.



## 8. ხელშეკრულების შესრულების კონტროლი

8.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;

8.2. მიმწოდებელი ვალდებულია საკუთარი რესურსებით უზრუნველყოს კონტროლის (ინსპექტირების) ჩატარებისათვის აუცილებელი ტექნიკური პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

8.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა;

8.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან;

8.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის კრწანისის რაიონის გამგეობის აპარატის უფროსი შორენა ლომია ან/და შესაბამისად უფლებამოსილი პირი.

## 9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია;

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით;

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 10. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

## 11. ხელშეკრულების პირობების შეუსრულებლობა

11.1 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით, ხოლო ვალდებულების ნაწილის შეუსრულებლობის შემთხვევაში ვალდებულების შეუსრულებელი ნაწილის 5%-ის ოდენობით. შესყიდვის ობიექტის მიწოდების ვადის გადაცილების შემთხვევაში მიმწოდებელს დაეკისრება პირგასამტეხლო ყოველ გადაგადაცილებულ დღეზე შეუსრულებელი ნაწილის 0,3%-ის ოდენობით;

11.2 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11.3 თუ შემსყიდველი არ ასრულებს წინამდებარე ხელშეკრულების მე-7 მუხლის 7.3 პუნქტის მოთხოვნებს, დაეკისრება პირგასამტეხლო ჩასარიცხი თანხის 0,3%-ის ოდენობით ყოველ გადაგადაცილებულ დღეზე.

## 12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის შეტყობინების შემდეგ;



ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში

### 13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან, რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს შეტყობინება ასეთი გარემოებების და მათი გამომწვევი მიზეზების შესახებ;

13.4 შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნება ფორს-მაჟორული გარემოებების ზეგავლენისაგან.

### 14. სადაო საკითხების გადაწყვეტა

14.1 შემსყიდველმა და მიმწოდებელმა ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

### 15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### 16. ხელშეკრულების ენა

16.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტის. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა



შესაბამებოდეს აღნიშნულ პირობებს.

**17. შეტყობინება**

17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე;

17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

**18. გადასახადები და დაბეგვრა**

18.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ;

18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

**19. ხელშეკრულების მოქმედების ვადა**

19.1 წინამდებარე ხელშეკრულება ძალაშია მისი ხელმოწერის დღიდან და მოქმედებს 2015 წლის 30 იანვრის ჩათვლით.

**20. სხვა პირობები**

20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;



20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

20.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

20.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს;

20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

**მხარეთა რეკვიზიტები:**

<p><u>შემსყიდველი</u>  ქ. თბილისის კრწანისის რაიონის გამგეობა  მის: ქ. თბილისი, გორგასლის ქ. N 115;  საიდენტიფიკაციო ნომერი: 204 521 776  საბანკო რეკვიზიტები:  სს „ლიბერთი ბანკი“-ს ც/ფილიალი  ანგარიშის NGE95LB0125152101627000  ბანკის კოდი: 220101480  ქ. თბილისის კრწანისის რაიონის გამგებელი</p> <p>გიორგი კოპალეიშვილი</p> <p>(ტელ: 237-87-31)</p> 	<p><u>მიმწოდებელი</u>  შპს „ბორჯომი ვოთერსი“  მის: ქ. ბორჯომი, თორის ქ. N39  საიდენტიფიკაციო ნომერი: 226146872  საბანკო რეკვიზიტები:  სს „საქართველოს ბანკი“  ანგარიშის NGE43BG0000000354293700  ბანკის კოდი: BAGAGE22  გენერალური დირექტორი</p> <p>დავით ამაშუკელი</p> 
---	---